



06986

無悔齋集卷九

清明日遊萬柳堂

己未

錢唐周京少穆著

相國園林御苑東荒池楊柳正春風樓臺幾處新垂綠花
木無多半落紅一代勳名餘畫壁百年人事數歸鴻川原
滿目重迴首都在烟橫晚磬中

前朝郭外此精廬萬柳堂開映碧虛消得閒身逢節序漫
隨芳草到庭除池蛙小院春風後林鳥空堂返照餘何事
京華好邱壑物從人去任荒鋤

魚藻池

薊門遵大陸所少在渠水城東園邱北八九漾方軌指曰
魚藻池金源獨留此小魚分白紅湛湛復齒齒頗有萍藻
橫眯目發歡喜我聞開闢初叢泉出閭里重疏物議盈唯
見溝澮耳何時玉泉流靈脈通青泚爲誦魚藻詩歌聲響
潭底

杏花下飲酒不得

亂紅塵裏說京華何處春風賣酒家開到杏花都不管任
教零落閉窗紗

我是閒人特地來一春花事付殘杯如何不許花前醉隔
著荒園獨自開

德中丞成齋座上作

中丞真氣滿戶牖貫穿百代羅萬有有時談論淮河奔直

把波濤瀉杯酒生平讀書都忘懷青衫席帽隨風靈心知
異境瞥眼過老去躑躅空形骸今年忽登黃金臺承平風
景雲霞開中丞招我語疇昔不覺顛倒翻尊罍我今老矣
抱書冊到處逢人說巷陌後生認得古人途右把虞書左
義畫

慶春樓觀虎口餘生劇本

承平日久事兒嬉值得當場對酒卮走向慶春樓上看一
羣腰鼓出王師

將軍一劔守雲中盡室甘隨逆炤空殺卻當關周遇吉遂
教直入大明宮

幔亭鉦鼓正諠譁三殿官庭亂似麻寶冊一時收不得玉

無悔齋集卷九

二

河橋是內人斜

世間好惡出金銀誰料多藏禍播紳民怨從來都不管今
朝同是可憐人

內臣底事屬官家不信盈庭信狹邪只有王承恩一箇不
隨班去唱排衙

此身生長太平年說到前朝倍黯然何事不消亡國恨重
聞訝板舊因緣

答代門喜我至長句

前年歸江湖已與長安別何期春風生吹我出積雪老夫
心如灰那復問寒熱老夫身如蓬南北隨飄擊多謝君子
誠喜我來何疾張鐙同歌呼酌酒共懽悅忽忽人閒世欲

語捫其舌匪君世外情何處容老拙勤拳奉君義日視腰
下珙

燈下詠芍藥花同范豐懷南河九池東山飲汪代門
寓齋

帝里穠華錦繡中年芍藥麗芳叢一枝稱意分花市十
載風流說寓公燒燭不辭春事晚開樽常與故人同貴家
庭院休相妒可有心情管落紅

春日游果毅訥公園林

天清麗景映樓臺處處池亭繡郭開十畝方春成綠野一
家終日住蓬萊無私泉石隨心得有意山林引興來自是
朝廷樂民樂鴻鈞須仗濟時才

無悔齋集卷九

三

上公臺閣接雲霄爲有忠良翊 聖朝池水近從星漢落
國山遙指玉峯標冲和淑氣迎芳草勃窣靈根長藥苗祇
媿蓬茅老居士春風海角坐中招

別苑芳菲有好春海棠花發絕無塵南榮新語雕梁燕東
閣分鋪蜀錦茵川上游魚常在藻樹邊啼鳥不驚人明公
禮數寬如海許我來游岸角巾

幾樹垂楊拂小橋相將同載木蘭橈晚波明似青銅鏡清
響寒如白玉簫舟楫穩從天上坐亭林都向畫中描塵寰
會有神仙宅瓊戶華燈碧水遙

經行上苑雜詠

西直門通御路長草芳沙軟落花香平原十里青天影看

見斜飛鷺一行

映街高柳逼天青露出西山展畫屏放眼春風一萬樹綠
烟和霧暗金庭

折入長林過畫橋御溝東去碧遙遙去年說有船來往滿
面楊花雪未消

行盡園林荒沼存任人垂釣坐松根問渠指是朱門徑三
十年前絕屐痕

節近朱明入夏時陰涼樹底鶴來遲怪他柳絮真輕薄只
向閒人面上吹

遙望 宮門欲到難花開不敢近前看隔離上界無多地
金碧光中扇影寒

無悔齋集卷九

四

忽見猩紅小鈿車出簷宮柳半陰遮風光三月當春晚滿
路青青碾落花

紛綸奏對集蓬萊此日蕭閒我獨來聞說 至尊親策士
昨移 天仗上平臺

依牆倚苑解吟詩禁旅相看怪不支此是誰家門下客芒
鞋踏到日斜時

楊花篇

春當三月春風織吹落繁紅復吹白怱怱扶綠上林梢又
送楊花撲簾額捲簾坐看風中春無情有情來向人十年
客路淄塵滿一夕春歸白髮新楊花知是可憐生無人愛
惜隨飄零有時欲捉捉不住飛作池塘水上萍浮萍浪跡

鵝啼血，畱得牆東一堆雪。忽然滾出打毬場，撩亂輕狂沒
分別。陌上人歌楊白花，飛來飛去落誰家。畫樓多少垂楊
柳，費盡春風隔絳紗。

我生七首

我生嬰世網，人理互紛觸。勝情牽華簪，役役半干祿。祿養
不得逮，已復甘縮伏。衡門委巷中，遂覺返初服。形骸知有
我，涉境多可錄。經春庭梅開，入夏窗樹綠。秋涼采湖蓴，冬
深臥雪竹。雖乏經歲謀，良足薄餽粥。不虞清風吹，送我出
茅屋。來居好池亭，臨流瞰淨淥。儵魚出從容，漾漾乘朝旭。
生小羣分命，治泚卽河瀆。媿羨雨不已，永日俯闌曲。

晚見一鷺飛，悠然下林澤。清潭立多時，照影對空碧。飢虛

垂梅齋集卷九

五

不自持，閒心付闕寂。不知高潔人，修容岸巾幘。我問鷺，何
似冉冉春水隔。

鸚鵡栖絕壁，遠與人閒離。鸚鵡飛草澤，各自甘糜糜。羽毛
不驚衆，言語何能奇。深林叫不休，遂使依軒帷。晨光透綺
疏，晝閣明簾垂。泠泠澗中水，蕭蕭巖畔枝。庭隅見野雀，引
頸長相思。野雀復何知，常苦空山飢。

人事寡所償，求溪入平陸。聽歌滄浪詞，逝且濯吾足。平生
苦願愚，體大不得服。敬奉巾杖履，率爾見蹉跎。散髮走長
林，用以名五福。

山溪苦登涉，不如好園林。園林日夕佳，風雨時開襟。開襟
久，偃仰轉想居山深深。山清溪流可以空，我心溪邊芳草

生可以馨吾簪時來樹底臥交交聽鳴禽山風帶溪響合
作清商琴耳際一以妙心思與之沈已忘園林好蕭蕭發
短吟

萬象各相見乃知入夏初禽聲作而散樹影密復舒光景
見明湛一一揚清臚川上浮日華我愛春水渠酌之不盈
掬涼心入空虛就陰啟軒窗讀我黃農書倦後乃敲枕夢
我把犁鋤辛苦生歡喜夢醒仍故余憶昨當此節曾叩同
里閭欲結茅茨鄰家具無遺儲沉吟復沉吟開軒看棕櫚
婆娑一株柳葉葉自搖搖空庭無人跡黃鸝聲相招微風
從東來葉散開青霄不覺夏日永依依自昏朝故園有嘉
樹密葉應垂綃遮籬還覆瓦茅堂蔭通宵花開不在家十
年九飄飄徒念此楊柳悵望扳長條清陰良在茲且復哦
簫韶

寄盤龍李廌青

一卷相逢李少君開函重與話殷勤欲知行跡無尋處說
在西山禮白雲

書堂三日雨玲瓏白飯同冷小屋東回首滄江千萬里髭
須白到廌山中

君詩零落似江梅水淡冰寒不自裁收拾尚畱余舊語廿

年前事豆稽灰

廌青詩猶以
余舊序并序

我本多時不下山等閑爲客佳人閒重來問訊城南屋空
復秋烟獨往還

鄭侍講筠谷招回包通守春河倪給諫穉疇宴集席
上作

尊前相對幾人同，湖水湖山付斷鴻。公等頻煩天下計，吾
儕高臥上皇風。招邀入座髭須白，夢寐今宵燭炬紅。回首
鄉園游釣處，滄江獨畫一衰翁。

留別汪代門

出門動卽到君家

代門雅重氣
義故屢托足

白飯青芻數暮鴉，燕市酒徒

人散後，故園松徑路爭差。離迷春色開樓閣，嘹唳秋風動
鼓笳。何處相逢再相問，一湖烟水短篷斜。

別楊大司馬

出入中朝望羽儀，游登班位節旄移。

曾任粵西
大中丞

南清烟海安

無悔齋集卷九

龍象北蕩天門靜，虎龍功業須論黃閣下。精神要是黑頭
時，憑公蘇息蒼生手。直上彤廷蒼聖咨。

在昔相將汗漫游，雙清心跡狎沙鷗。一城白雪天山莫，萬
里黃雲弱水秋。指說河源浮濁浪，摩挲嶽氣上青邱。到今
老大重回首，獨對西風振敝裘。

留別德中丞

愛我真同潭下魚，水清石瘦伏秋渠。重來俯檻樂何極，老
去臨淵媿弗如今日。市門勞網罟明朝，海國走空虛公思。
若復憐魴鱖，仁及滄波自有余。

入涿州

枯木寒鴉入涿州，不勝清冷敞貂裘。青山多事常迎送，東

海茫茫不掉頭

霧淞花

破曉千林霧淞寒梅花和雪壓征鞍兩年不踏西溪路絕
勝橫塘水上看

巧玉瓏瑤舞翠圍初陽開照影霏微那知頃刻花如海盡
作春風柳絮飛

過沙河縣

一尺沙上水心閒馬意遲清生初雪後寒近欲冰時衰柳
黃在樹橫烟青出籬蕭蕭帶微雨惆悵渡河湄

湯陰縣謁岳鄂王祠

驅馬湯陰縣祠堂拜鄂王一門尊俎豆百代肅蒸嘗社火

無悔齋集卷九

八

依先隴靈旗下舊疆臨安藁葬地宰木尚蒼蒼

河北此河內從來古蕩陰中原仍戰伐故國見精靈欲下
香盆淚徒哀涅背心詩歌猶在眼慷慨動長吟

石壁有王送張紫巖先生北伐

詩

題童北亭鎮夏小影

高情欲落秋空雲老懷憚暑心如焚蘄州笛簟捲付我僧

蘄州刺史湘中荔裳裁讓君

己未澤州除夜呈鹿田太守

此夕匆匆又一年萬家燈火夜纏綿子孫合認高曾像兒
女同登七箸筵我已行游忘卻老人誰安樂看如仙蕭然
自笑無他好省得忙分度歲錢

故人官閣喜相將二老風流宴樂歲酒一尊分冷暖衰
年幾度換星霜有詩只作功名賞無疾能消飯顛香更好
燈前明老眼堆盤珍果出江鄉

復用鹿田白訪集中丙申和唐人除夜三詩韻賦呈
三首

用少陵杜位宅守歲韻

莫更艷豪家銀盤爛燭花老年驚爆竹今夕共歸鴉歲酒
杯空設除夜俗必爲
遠人置瓊春燈影半斜遙憐小兒女圍坐說天涯

用戴叔倫除夜宿石頭驛韻

何期千里外落日倍相親守歲憑官閣張燈畱故人未須
傷莫景且住隔年身聽報殘更漏門庭已閉春

無悔齋集卷九

九

用羅昭諫除夜韻

山城寒漏永坐待酒杯傾問我拚雙鬢隨他下五更耳酣
終夜熱道勝積年平相對華筵燭今宵分外明

無悔齋集卷十

錢唐周京少穆著

元夜鹿田親攜雙柑見贈

庚申

捧得雙柑對月圓，輕黃淡白照尊前。且須歡讌同元夕，莫爲分攜在遠天。香美榮名公獻歲，酸寒搖齒我餘年。相看二老頭如雪，珍重團圓樂是此筵。

且教行樂過華年，官閣元宵夜火懸。庭樹無花紛雪落，陽

春有脚疾雷傳。

是夜打鐵花放爆竹甚盛

笙歌未放邛毬暖，酒斝重擎琥

珀圓。袖裏雙柑香滿座，可堪消受更加簾。

十三夜

試燈時節夜傳柑，忽復春宵是十三。想到家園朱橘賤，不

無悔齋集卷一

一

論錢買滿筠籃

十五夜

滿堂歌鼓壓羣山，絳蠟千枝爛不刪。空有中庭元夜月，不

教閒著照衰顏。

十七夜

似水年華晝燭消，輪時盼節又今宵。韶光過盡春無賴，捲地東風聽夜潮。

宣卷

澤之伶人演劇以宣卷名，蓋以彈詞入調，歌句歇聲，用雙鎖唎爲和，良久乃再出聲，風情諧暢，中更哀嘯，有梁州意外之音，合尊促席，頗矜異撰。

晉城山館按歌聲簾築吹殘午夜清檀板乍如蛙閣閣窈
娘隄上月三更

遲回依約轉身來欲語聲沉急管催消得酒寒華燭盡韓
娥不下繞梁哀

直從碧落響雲璈唱徹中庭月正高莫謂王門無濫吹問
誰彈得鬱輪袍

殺虎行

太行有虎山之幽陰寒積雪來何求白晝食人掉尾游骨
肉散棄驚魂留可憐空林叫鶴鶴死者眷屬血淚流生者
齧齧生長愁計伏毒弩排公矛一日洞中春其喉翻身怒
吼崩山工剝皮剔肉割不休赫然尸橫如死囚嗚呼虎兮

無悔齋集卷二

二

爲身謀殺人本亦無冤仇那知自殺還相酬我謂虎爾慮
弗周爾視耕田南山牛嚼齧細草行悠悠戒勿宰殺充庖
羞虎曰死耳吾不憂生時未肯安弱柔

陽城虎一首呈鹿田太守

陽城虎陽城虎今年殺死送官府太守不惜清貧錢爲喜
元凶伏刀谷民人送虎前致詞我民殺虎利用奇箭毒一
入貫胸臆任爾疆悍無能支此虎齒黃老不死殺人有缺
視雙耳

虎首食人者耳多缺

耿耿霍霍風生林誰敢臨崖究終始太守

命割先褫皮安坐直作臯皮師治理和平不用猛苛政視
此除無遺民歸縣裏去且復相告語官府慈良虎患除從
今不必生怕懼

沁水虎

沁水虎不比陽城大老虎此虎已經三食人餓腹空皮尚
如鼓七十老翁誇健兒自云獨殪茲窮奇公然入門攫羊
犬一鎗正中博浪椎爪牙盡從抉石摧縱活亦難生禍灾
徒畱此皮張服美斑爛翁赫驚童孩

戊午春莫船過栖水沈君若虞出文湖州墨竹鑒賞
此畫人閒已絕少矣著于詩或如見畫也

墨痕八尺垂中堂東絹色澹窺微茫一株老竹倒空落滿
堂竹葉聞生香好風吹著發歡喜瓊筵舞袖分郎當有時
清響出屋角迴如寒澗鏗篔簹撈軸挂幅葉零亂一葉一
意天工裝竹竿彊直半屈伏只餘衆葉翻空牆竹閒題名

無悔齋集卷十

三

大如盃與可戲墨古不莊空堂畫靜獨對此仿佛夜雨聞
瀟湘我知湖州善畫竹大蘇調笑食少肉涓川千畝在胸
中大蘇句吐出寒梢二百幅我曾一到篔簹谷竹影無多幾

茅屋牆外棕欄散夕陽牆根達亂施微綠清貧太守棄靴
材寶得琳琅墨一束墨君堂上風生林看取蕭蕭勁節心
不說與君畱與畫金遼元後到如今

敬題先太常卬仙公墨竹單幅

猶傳先朝神宗時先公太常曾見知宣室論畫每內名惟

此前席常畱遺吾宗老兄藏墨竹頤菴奮筆老勁不拘束

一竿兩竿旁少枝一片兩片葉將脫乃知畫竹只畫竿瞻

此直節端巾冠想有枝葉在空外半見老餘長桓桓竹下

手題十四字好風明月應須記
題云千里好風清愛玉一庭明月冷籟金竹閒知有
看竹人水邊林下承天寺付我申言手澤存蕭騷竹裏見
吟魂遺書散盡青箱冷對此斑斑有淚痕

題吳仲圭墨竹畫卷

吳氏繡谷喜書畫二萬卷書日鈔記更有畫軸千餘函一
一標題別同異校書手自點墨朱名畫逸妙神品殊其中
一卷我獨愛丈八尺長琅玕圖生平愛竹入骨髓牆陰屋
後荒園裏有時走向野人家閒看遮檐復拂水忽從畫裏
見新篁百千萬个寒蒼筤風晴雨雪各異狀炎夏蕭瑟生
微涼借觀三日坐昏曉墨香竹色閒青吳頗覺窗前老竹
竿不及鬢髭筆橫掃仲圭吳生真擅場署各自許梅花當
題名梅
花道人卽今梅邊看修竹妙畫一幅春晝長繡谷已往竹滿
廊惟有遺冊堆空牀雲烟過眼難忘卻畱詩莫使鬼伯將

題魯得之畫竹冊子

誰數杭州魯得之畫竹不畫新生枝兩三片葉淡而野筆
不到處神明隨有時竹盡只細篠生意不盡畱清漪始覺
逸品見佳妙不用滿紙青瑠璃澤州太守每好事收拾好
醜供娛娛那知生氣出故紙遂令淇澳移于斯千竿萬竿
在川上日夕晤對心虛師掩冊包裹急將去空崖幽澗長
相思

荅鹿田太守敘舊感事用來韻

千里相思折簡呼到來形迹不曾拘攤書任說羸劉蹶食

內空慙衛霍奴一日開懷那易得十年塵慮已全無頻頻
指點仙源路研盡丹黃染白須

是日出書
冊見示

一從牛馬任人呼抵几掀髯總不拘笑我揮杯憐上客憑
公吹笛借官奴雪消霍岳雲容出

將有霍
州之行

春到汾河柳色無

莫向年來說憔悴且教隨分數花須

鹿田招同龍華寺看杏花酌于小山泉石間醉歸馬

上作

晉城三月春風寒柳條蠹蠹青琅玕清明已過十二日春
光始覺暄銅盤龍華寺裏杏花發相將騎馬尋禪闌三株
兩株爛繁雪亭午照曜蜂彎環餘枝蓓蕾漫包裹絳羅紫
綺迴羞顏老僧不管任開落山雀乍啁紛巾冠一枝攜取

無悔齋集卷二

五

半含笑伴我客裏燈前看太守花前興未已置酒小山泉
石閒春山澹頽睡未醒夕照忽復垂闌干空拳醉呼奪騎
馬春泉助響聲潺潺馬蹄蹴踏花影亂吹花風起春衣單
及時猶幸得芳訊明朝雪落何由攀馬鞍敲鐙入烟郭省
記醉語誰能刪

出郭看杏花用朱修亭韻

山杏花開野寺明石泉槐火鬪新晴暖風吹我出門早春
日照人行腳輕每箇樹邊看不足幾年客裏笑多情未妨
游衍重開宴莫待紛紛數落英

當春日遣探花叢只恐花開一笛風忽覺新晴半畝綠已
知繁杏十分紅不教遲緩同騎馬且放顛狂盡出籠獨羨

眠禽呼不起夜來偷宿月朦朧

上馮家陂見析城王屋諸山

到此相將上析城春風吹向亂山行
鴻濛剖出重門影天
外雲霞護玉京

白氣空浮五斗峯溼雲何處落芙蓉
析城有白氣落五斗峯化爲溼雲滴太乙池願將

太乙池中水潑向黃庭洗毒龍

東轉河流認去津黑雲天半指輪囷
此間有屋能留住願

作天壇掃雪人

游析城山

導山訪禹跡底柱至析城昔年攷圖籍
底柱從東行禹貢底柱卽三

門山在今平陸陝州間大傳云東行舊以析城東峯爲底柱者非是今來析城山莽蒼空
金庭天門蕩

無悔齋集卷十

六

蕩開震掉愁攀升云是南磴外河流落舊京
南天門外始見河流遠北卽東注

日輪西轉馳未得占遺經惟視王屋尊
端立拱太清天壇

出平頂有路無由登望見鳥道一縷自許神明健浪誇
灩澦輕咫尺

雲衢閒旁皇浩冥冥衆木亂紛錯旋遶不上生
其中多藥

物鼻觀聞奇馨人世淹疾苦掣濟蒙哀矜傳
謂分草木晁說

之曰草木分析曰析城未解徒量評古聖留往事指說
谷嗟興萬載莫

生育山川此流形我本滯羈旅挈走叩天
扃天扃擗虎豹

帶座通雷霆下有牧伯長謂鹿耳太守拜手邀悃誠
願瞻成湯廟

憂厘黎民情戴商厥惟舊天聽肅屏營
向夕靈風起爲君

發松聲

殿腰至護駕谷陀入南廵村用鹿田太守韻

石亂山荒澗道寒此行轉覺客衣單鵲飛古殿孤烟起人在遙峰下界看谷靜晚風松葉動村深斜日杏花殘入來身外都無著只喜閒雲落屋端

坪上

日盡天空日淡黃直從地窟上崇岡不知河患龍蛇變獨覺城春草木荒殿角久留池水碧山庭猶有藥根香經行險曠難淹宿古道遲回下夕陽

郝伯常先生祠堂

在昔宋元時天下苦戰鬪中原半淪棄民如散鳥獸攘臂戕父母

時諷伐宋之計于先儒趙復復曰宋吾父母之國安得引他人伐父母

誰復問黔首公獨矢檠

誠不避欲拯救爲言宋無罪奚必逞暴寇毅然任國使往

無悔齋集卷十

七

解民顛覆億萬生靈生何暇顧身後其如誤國奸十六載羈候隱志不得伸痛若獨負疚歸來望太行頭白氣昏瞶愴怳鬱不蘇何暇榮文繡尚冀延宋脈帝蜀存漢舊庸庸樂宋亡謂公惜未覲公心如天仁誰與發局斂偶然雁足書初不計病詎載拜視公像有泪泣晴晝

酬鹿田太守夜話畱別卽用來韻

萬里闌河數去塵斷雲孤鶴且逡巡青松不惜常三宿白髮相看有兩人樂意過逢親笑語好懷吟唱總清真未妨留我眠官舍雪後蕭蕭可判旬

泰安道中遇雪

雪落橫斜寂歷風半沾衣袖半隨空青分齊魯千餘里都

在烟開霧合中

羣峰迢遞出幽姿近綰青螺遠畫眉密雪從空遮不斷一重珠箔半鈞垂

早發雄縣次抱樸壁閒韻

欲起未起衆星沒欲明未明曉風發野闌天空來遠塵馬蹄人影動殘月

寄題吳興蔡太虛竹寒沙碧山莊

辛酉

山人可許洽幽期欲向春風策杖藜寄語定須燒筍食相邀莫遣落花知看雲樓上開多處聽水橋邊住幾時林澗不慙應笑我到來合有入山詩

夏夜走吳淞

無悔齋集卷十

八

小艇夜來過微涼出菱荷水螢明不定川月映無多爽氣先秋露清風生晚波脫然塵世界仰面看銀河

夜涼

缺月照蘆荻篷窗生夜涼暗風來遠浦清露溼橫塘箇簟開如水練衣疊在牀明當逢七夕攜手上河梁

新秋用栖水同人韻

殘暑初消江上樓晚雲如水杜蘭洲井梧葉落驚秋思砧杵聲高動客愁夏簟已侵冰雪意長鏡先託稻梁謀輕風倚徧闌干曲獨把新涼一笛收

吳船行

吳船八月清夜游紛如鳧鴨爭亂流紅窗綠幔釵朶月明

簾畫檻橫塘秋涼波千頃鋪翠簾水燈萬盞拋晶毬笙篴
宛轉不知數尊疊擷觸無邊愁更深烟火山店市風前笑
語誰家樓十三十四趁良夜吳人每于中秋前
二日聚舟山塘半醒半醉聞吳
謳年年當場不浪過人人樂此何時休我老已覺太無謂
年豐未必真無求歌殘衆有若鳥散酒闌萬象如烟收客
船打槳逐霧去虎工松栢聲颼颼

中秋虎工山塘卽事

吳儂洲渚卽蓬萊白月清風畫舫來無限星球向空落水
心寬處照瓊臺

船上燈搖樓上燈燈燈相接百千層一般月浸姑蘇水除
卻山塘冷似冰

無悔齋集卷十

九

銀箏檀板漫清游大半看燈水上樓別有倚舷人不見空
留明月照船頭

橋外燈光亂眼花水烟飛盡日橫斜高樓尚有吹笙女不
見新教見碧紗

看著蕭郎也太癡酒顛花惱費尋思逢人只說紅燈好華
月當頭總不知

題沈石田塞驢覓雪圖

昔年騎驢向京國大雪飛空斷行役千峯萬壑墮渺濛側
帽籠鞭下烟郭前年西走居延西祁連山雪浮雲齊芙蓉
萬朵落晴晝六月照耀光琉璃去年又度雁門關黃河屈
曲愁顏山莽風驅雪不到地闌塞一簇微茫開今年春雪

大子掌十七八日積一丈狼鹿飢號奔復踣泥乃村墟盈
甕盎獨羨騎驢覓雪人溪橋巖谷暮山村未知策蹇向何
處有人對雪開蓬門長洲高土石田翁畫出高人走雪中
我願提壺作奴子不妨南北又西東

春日飲吳山酒樓同樊榭竹田希亮兩成敦復

壬戌

落日江山故國情樓臺草樹接春城錢唐潮上暮烟出閨
古泉留晚照清新柳入簾侵髮白好花分影向湖明不嫌
被酒何人識燈火河橋盪槳行

城南看桃花行

桃花三月城南路上下江光隔香霧江光搖動桃花紅似
捲湘簾出朝曙鳳皇山下塵土中中有宋時宮殿處至今

無悔齋集卷十

十

桃花能笑人露井風開說前度我來花發春風顛春風春
雨愁春暮桃花面面春風吹不見龐公上正墓江山如畫
春帆行一片春情滿江樹暮鴉寒食故行宮迴首桃花落
無數

葫蘆井

南宋官中井近曾淘出銅印數十枚鄰姬寶其一摹篆
文宣德節度使之印厲孝廉鶚攷是吳越時物又有汲
具木數片上刻夫人娘子位號者

古井四時汲寒泉經幾春南朝不改邑吳地尚遺民金印
祭故物銅瓶出向人桔槔灌園者日日及清晨

吳生敦復重得父書許丁卯集于燕市

在昔攤書屋舍東

前曾館于繡谷

青蘿秘閣晚燈中勝情絕似歐陽

子萬卷樓閒說鉅公

五茸城下問吳船

說醫家吳淞相見後遂疾革

靜夜滄江白月穿知是冰家

書畫舫到今空指浪花圓

古香卷軸萬牛籠一一標題點勘餘記得蒙頭借書讀卅年前事笑貪夫

丁卯橋應勝午橋

放翁句

許渾詩卷未沈銷曾經讀取江山

句上壑寒藤久寂寥

題表忠觀斷碑後

五季昏濁遭喪亂宋出有主民所依積骸醜血爭負固錢氏請吏先來歸四王三世靖寇難臨安一區安無危熙寧

無悔齋集卷十

十一

十年臣抃疏祠墳香火償民思表忠觀立賜名號吳越國紀留於斯碑文銘詞出蘇軾大書深刻生光輝初刻張氏螿城脚四刻完好如弓圭三刻失亡莫可攷此惟二刻猶半遺何年仆臥學舍外韓陵片石知者誰蘿村先生好古者十年館下常相隨搜剔幽隱及斷碣爬讀聲響轟金椎謂此原碑儼然在直得拱壁張須眉扶置廊廡俾勿壞千載生氣同鼎彝摹榻萬本共傳示字跡不滅文昭垂徧旁婀娜裏勁健措轉病目臨晨曦三摩抄後三嘆息大江潮落錢王祠

無悔齋集卷十

無悔齋集卷十一

錢唐周京少穆著

和樊榭移居四首

癸亥

一身將隱十年餘何事重來又卜居萬落千村隨息影三
間五架不關渠憐他老宿無安處媿我先人有敝廬獨羨
君家門巷裏滿池春水好爲漁

覓得閒居且放顛卻鄰洲渚著神仙牆邊遮柳剛臨水門
外尋花可刺船新燕語中常小步亂蟬聲裏足清眠寒泉
一掬猶難買只此幽便值萬錢

日復來游小徑斜未經屋舍也應誇橫橋日出聞啼鳥隔
岸春深滿落花無意獨尋居士宅有情常到野人家囂塵

無悔齋集卷十一

一

市遠何嫌忌客至相逢一笑譁

寰區秀句久知聞仰見臨文有大勳宿鷺已飛從泛泛種
松未老且云云屋前白水常同味樹外青山合作羣爲愛
南湖舊招隱一林風月要全分

和月田首春遣懷四首

白積庭階幾尺綿過逢絕跡小乘禪寒生破屋無尊酒暖
入春城是晚烟不向人求安本分那知許事且高眠風光
正好看游屐老去心情又一年

失紅爐火託微溫舊事新愁在自存獨覺寒梅香入屋卻
憐春草雪當門風情只合推詩老暄暖何緣達至尊爲誦
先生遺世句不妨肩鑷護苔痕

何事塵寰有睥顏任他一味笑癡頑料量長物惟存老檢
點空囊可破慳妙訣人傳千日醉頭銜天放半生閒春風
到處開芳甸雪後支頤好看山

知君曾不厭長貧多病維摩是後身世路原無招隱地宰
官舊是趁朝人鬢絲禪榻年年計酒賤茶鐺日日春乞與
安心有良藥不關蹤跡傲蹄輪

春日集敷文書院用退之山石詩韻

同游顧月田許初觀厲
樊榭山長爲魯秋勝

春陰閣雨晴光微入門花片春風飛同來問花復問石山
石何瘦花何肥桃李漫山觸山石一石一意嗟吁稀依偎
臥起各爾汝指困積廩年年飢羊蹲鳥厲虎豹門崩樓走
檻排門扉江光湖色紛到眼石頂拄杖開烟霏先生坐我

無悔齋集卷十一

三

桃李中

秋勝
太史

縱縱甲刃皆重圍吹花風起下山去夕陽影

裏花沾衣山靈回首應我笑人生何必虛糜餼願從公等
醉花下石上題詩忘卻歸

題馬和之畫

有楊姝
子題

雙龍小篆玉錢圓墨淡香消五百年遙想署書楊姝子綠
窗朱戶繡簾前

洗盡鉛華馬侍郎獨畱彩筆帶宮黃鳳皇山下莓苔路露

井寒林幾夕陽

圖爲秋
林曳杖

穀雨前一日湖上同月田壽門樊榭竹田希亮敦復

分得歌字

撩人天氣酒人多老去誰憐醉後詩茶味已香新雨後尊

羨初滑莫春過好花開到碧桃樹淺草平分綠水波只此
風光難買得任銷金處是行窩

爲說顛狂可奈何南鄰有客漫相過一年花事去將半三
月春晴未許多僧院晝長閒水竹畫船人遠隔笙歌從教
盪槩隨鷗鷺穿透橫烟下晚波

游女常聽緩緩歌故宮金粉總銷磨柳塘昨雨碧多少花
港春風紅若何山際舊存眉黛色水邊新見茜裙羅寺門
不復畱船住明日重來獨荷蓑

和女史陳氏維坤賣書詩

人世艱辛百不知賣書忽覩女郎詩漫將斷楮畱多怨拋
卻遺編自可悲乞米何妨生事捐典釵那復有情癡豪家

無悔齋集卷十一

三

姊妹休相妒見抱青箱掩淚時

四月六日同壽門樊榭竹田飲抱樸竹西舊地分得

六言律體限青字

昨夜雨分疎點今朝風落微馨流鶯日暖歌扇弱柳天晴
畫屏池館多半沈碧山庭盡入空青春去幾人酒琰睡餘
一卷茶經

游紫雲洞同吳兩成敦復藍田諸子

入夏泛明湖雨歇理游屐獨往栖霞山畱船廟門側相攜
討幽迴古洞隱崑隙微徑度深松磬確響行跡溼雲染衣
裳埜竹拂腰脊眯目林烟生濯髮山翠滴澗底蛙鼃鳴草
荒不驚策斷崖有僧舍食力不求獲山廚熏茶筍石屋滿

寒碧因之詢洞壑上指前林隔取道落谿衍凜栗發肝膈
蝙蝠穿洞飛嵐氣蒸闕闐心知難久畱洞口易昏黑相將
返舊路高下窮冥色迴視山抱開中通走徧仄顧謂桃花
源晉魏可不識外湖遮桃溪涓涓去不息雨後泉水肥蕘
葉圓于壁聞有無門洞庭戶但空壁又有金鼓洞水樂奏
無射客子愁城鎗泥滑怯腳力歸舟劈岸風燈火已照夕
茲游洵具美晚雨仍滴瀝及時追竒懷他日話疇昔清景
須臾過急與紀游勩諸君健者才爲我攻失得莫言烟雲
供瞥眼忘記憶

秋夜過春申浦

新月照水水拍塘微風鼓動波搖光水滿夜涼大魚出過

眼但覺秋船涼

無悔齋集卷一

四

獨放烟艇泛極浦篷頂明星只三五須臾缺月開空中輓
浪無聲響柔櫓

菱港

竹竿插水類編蒲占取淪漪割一區待到菱香秋興發小
船烟雨醉南湖

橫塘

橫塘雨後散秋煙最是初涼七月天處處清風出叢薄已
聞蛩響又聞蟬

湖上諸山

湖上林巒到眼中橫烟隔著芰荷風秋來料得涼如水第

五橋西麴院東

吳氏繡谷展唐子畏聽泉圖得聽字

誰歟山中人獨往事幽徑蒼蒼遠林際泉響落杳冥頗聞
唐子畏散髮寫遐迴南州溽暑攻蒸如浮飯甑此圖具妙
理對令煩慮淨高屋垂虹霓虛堂發鐘磬澗戶紛亂流溪
橋下危磴坐來池館清寒覺山雨送何時攜杖去一洗雙
耳聽

送阮雲之京卽題小像卷首

將毋意不釋遲回又十年卽今違子舍已自歎華顛官闕
朱霞迴輪蹄白日懸畫圖無限思去矣慎風烟

題頗菴大兄小照

無悔齋集卷十一

五

畫手摩抄好清神孰與同從來傳古貌難得見深衷青眼
一睚水春衫兩袖風還如玉川子愁絕問天公

君是銀臺後吾家老太常世因曾接跡居復近連牆畫竹

付先澤

前以太常
畫竹見付

遺文發舊箱

銀臺公解額第
一人墨本尚存

寒家衰可仰特

此見珪璋

書徐君德宜傳後

與君丁巳同墮地君生夏初我春季五歲奉書來書堂君
聲琅琅我默記君揚清臚我娛嬉君總角卯我椎髻噉喙
一如同隊魚襟裾不減兄及弟況我曾投君母懷颯唼乳
下慈顏開見我玉雪愛保抱老大念此心肝摧今我皓首
紛塵灰隳肩鬪鼻形神顏君旣飄忽我碩果與世無涉同

嘗歎但君長厚更數世父義還金子孝悌萬石家風衆所
尊太上道廣人歸義到今羣從推龍門一子函經述舊聞
千載萬載理不壞善積餘慶占義文秋潭梁翁作佳傳宋
老哀詞淚如霰我歸君去杳不知葉落秋風滿庭院愛子
送君歸南山父母兄弟仍團樂南山大石高可刊著君姓
名蒼翠閒我麗數語書彎環過客視此莫倒冠

元夜飲瓶花齋得來字

甲子

任他歌管下樓臺且向春燈笑口開良夜不教揮手去故
人特地盍簪來梅花小院畱殘雨尊酒寒江潑舊醅笠屐
尚誇腰腳健但逢佳節許重陪

二月三日集湖上分韻得濃字

無悔齋集卷十一

六

如此春晴湖上峯畫船新泛碧溶溶水能皺作蔚藍色柳
已搓成翠黛容二月風光詩興發晚年心事酒杯濃何因
得似東坡老每到花時認去蹤

出北郭看桃花用王摩詰桃園行韻同樊榭作

雨餘二月川原春小船出郭搖春津施家橋外綠成路施
家橋裏紅照人遙遙淺草依隈隩望望橫烟下平陸青生
篷底來遠山翠掩門前出修竹乍寒乍暖花氣蒸游人未
換春衣服畫圖一幅桃花源舍舟納履尋田園花飛遠看
空外落櫓搖直指中流喧游船游女何爭集杭州好事傾
城邑春風春水愛消遙春雨春晴常出入花開花落須臾
閒老去看花隨往還只此不勞九節杖何暇更說三神山

一春花事今經見，詎論傳疑武陵縣。桃花流水非人間，不嫌到此長游衍。已往年華顏面改，再來正壑陰晴變。回首桃花晚霧深，陰沈紅映入重林。水光花氣迷人眼，欲上扁舟沒處尋。

題王麟徵義橋村齋圖

知君傲岸人，俯仰此閒樂。村墟燈火夕，油檠照屋角。陳書對古昔，託志半敦學。童蒙保天良，可愛不瑯瑯。琅清圓聲，春風出茅屋。

春日飲魯翰林秋隱山齋

入門桃李花，盈盈曜朝日。上有當窗人，對山理書帙。花片因風吹，彩翠落巾櫛。白雲時卷舒，好鳥叫蒙密。爲念唐虞春，于茲得其實。夕陽江上來，飲罷攜杖出。迴視春燈明，花影照虛室。客去空山空，展卷讀無逸。

越五日復飲山齋流雲亭上同月田初觀樊榭堇浦
竹田敦復諸君子

復上萬松嶺來，此流雲亭雲陰停。不流白日山庭，扇春風漾遠帆，吹送江天青。目極盡所到，江山如畫屏。故宮話曠昔，指示開圖經。羣公古達者，世俗忘骸形。析言在心貫，坐把芳草馨。仰視孤飛鳥，空闊舒修翎。詠懷樂熙皞，聊用延長齡。

二月晦日復集山齋

先生日端居，講堂羅羣材。我輩不羈人，時復載酒來。昨詩

領清妙過眼紛雲雷。今日天氣佳，綠葉垂江梅。時平治文
謙道義重，追陪況此風亭。上山花落成堆，卽事脫塵網。談
笑空尊疊。

春湖月汎詩四首

一湖絲雨亂紅收。天放閒人散。老愁擬宿春波夜。來月晚
風吹上木蘭舟。

木蘭舟上倚微風。艷影濃香盪槳中。新柳不遮春水漾。小
桃初破夕陽紅。

游人去盡半湖烟。乍啟窗櫺月入船。喚起春山如夢醒。水
明樓上一輪圓。

夜深行過第三橋。襟上橫枝白月描。多謝天公閒付與。萬

金難買是春宵

無愜齋集卷十一

次日早起行蘇隄上

潑眼湖光曉鏡平。壓隄紅艷入春城。輕風未許林閒落。暈
日初從水上生。隔岸微鐘含宿雨。過橋啼鳥喚朝醒。茲游
勝賞真難得。清絕吳郎不世情。

是游敦復主之

題春湖月汎圖後

湖之游四時皆佳。而花月之夜。頗不易逢。今年春來。湖
上桃李正繁麗。同游者相與題酒家壁。而去約有月時。
定應作清夜游。其如花時無三日。晴春中旣望。敦復吳
生果游。諾相邀。冒雨出城。船泊柳岸。春雨尚響。篷背不
移。時微風吹衣。夕照在水。便舍船度。西冷橋而南岸上。
桃李花雨。後益明媚。新柳復蓊。參差而推篷。窗月滿。船矣。歡
喜。晚飲酒樓。更鼓棹入烟際。已而湖波光動。盪雲物已
不謂人世。過鎖澗橋。復登舟。上湖心亭。四顧嵐翠空浮。
荇藻交映。如坐碧琉璃。上東望遠水。瀾漫層城半圍。樊
榭笑指云。嚴城隔斷一湖月。十萬人家春夢中。正以吾

曹寂寞之游在無人之區得詠游獨往之趣爲足樂也
各賦絕句若干首乞聖因寺僧珉公畫成圖以著其美
殘夜四更始迴船宿于蕭寺晨起踏落花又賦詩並載
畫冊後吾曹生長休和且處閒適固自喜遭際茲天與
良會朋游心知相將放情山水詠歌太平爲不可多得
之境昔蘇長公與張懷民夜游承天寺云何地無月何
處無竹柏影但無閒人如吾兩人耳誦斯語知所游之
趣過人遠矣越十五日圖成遂并述斯游之與感而書
之時同游爲胡又乾旒厲樊榭鸚鵡施竹田安汪旭瞻日
旗期而不至者顧月田之誕丁敬身敬時乾隆九年三
月三日

三月十四日壽門樊榭抱樸同酌江聲于湖上分韻

常向東風醉此湖南船北馬半糶糊野鷗導我有閒意新
柳笑人成老夫燒笏年光杯在手落花時節杖相扶青鞵
布襪從君看脫卻朝衫穩稱無

覺羅隆德妻東鄂氏殉節詩

無悔齋集卷十一

九

婉婉閨閣女大義能自持不羨生處樂守死誓勿移夫壻
已死孝斃斃獨何爲相從黃泉下五日猶嫌遲問年僅二
十結襦未匝期性定無遷延決去甘如飴將軍有好女將
種分蛾眉 宗潢有賢媛烈哉扶四維纍纍墟墓閒鬱鬱
東南枝春風吹不歇搖動長年悲哀感行路人臨風讀遺
碑

四月芒種前船過廣富林

鍾賈山邊綠滿川閑閑十畝乍晴天風光看似堯時節一
卷虞書在眼前

豆莢才枯小麥黃綠陰如畫帶橫塘野花落盡風初輒新
燕飛時日漸長

臺笠風前認女郎提筐陌上立垂楊未妨白足窺塘水照
見青青短布裳

稻秧初出擔頭肩斲草黃牛未著鞭且把犁鋤先墾土老
農生計有經權

綠野清川廣富林檎聲咿軋渡深沈幾叢水竹蕭郎筆值
得江南一餅金

鬲泥放鴨小船忙頗愛長年住水鄉何戶何窗不清妙更
須常自濯滄浪

過震澤湖

太湖湖水碧迢迢界斷吳江萬頃橋誰似謀身范少伯小
船烟雨賣魚苗

無悔齋集卷十一

十一

岸草平沙故苑六風搖曳柳玲瓏橫斜一帶靈崑路盡
在烟波蕩槩中

抱經亭爲杭編修堇浦作

儒者治經術其道明人倫苟不昧萬有超沈淪孰是
棄弗事營營一賤貧嗟彼經生業緣此無由純先生振世
姿絕學專精神搜剔徧幽隱要使理解醇辨正無前古母
俾來學涇經心昭日月亭毒推扶輪舉俗吠所怪突兀難
具陳昨年上諫書匪自謀厥身甚矣汲黯憇幸仰天王仁
不爾死仗下披髮騎麒麟始知守經義本欲誠斯民倫物
誠協和萬罪酬微臣至今茅檐下遺經日相親獨抱究終
始儼然義皇人聖世常濯浴坐見彈冠新窮經實致用務

紛綸
令風俗淳野老樂拄杖親游唐虞春挾冊姑付我身在恣

詠繡谷朱藤花

今年三月春已闌林亭閒倚紅闌看朱藤著花漫羃羃一
架四壁春風寒寶纓絡散諸佛國虬珠結羣仙壇又如
天花亂落後華鬢雪滿垂欄干瓊枝匊葉雲碧帳龍須馬
乳殷紅盤虛堂逢春洊及夏主人骨節應珊珊招邀花時
醉其下仰面落架清香溥未識旁根可作杖扶我老壽常
加餐

顧月田招同人集讓公南屏精舍避暑分得戒字

清晨出郭門扁舟綠陰界蕩蕩湖水闊昨覺山雨大涼風

無悔齋集卷十一

十一

動新荷爽氣落天外相與游禪林練衣薜蘿挂招邀坐丈
室竹屋散寒翠巒容沉水雲黯淡妙手畫多謝山僧供對
此洽茶話會將除熱惱受彼菩薩戒

夏日過瑪瑙寺訪後僕夫泉得色字

古寺隔湖岸欲往考幽僻羣公頗好事我老怯脚力揮扇
觸暑風披襟踏泉石歸來話舊踪實有甘泉闕空院覆松
影瓌牆畱竹色佛屋暗涼生茶竈橫烟碧覲此古井水緬
彼豐草宅汲之心膽寒酌之熱惱滌指名後僕夫洵可接

前迹竹智旣高座

宋僧智圓以藝竹得泉于孤山名僕夫

琴芳亦超特

元僧芳洲善琴移寺北山後亦

得泉遂仍前名訪泉得泉所飲泉食泉德大千清淨中莫必騎驢覓

落落誇健者授簡射鳴鏑祕閱開荒塗佳名補遺冊我本

空洞人禪味了無得或恐山靈招清泉効丕績行當獨拄杖來尋北山北羣公閒肯從相將永秋夕

立秋前四日冒雨湖上看荷花

山雨過湖面浪浪萬葉聲秋先到衆壑暑已隔重城清氣散香浦涼風生白萍扁舟落吾手烟水任縱橫

荷葉與太碧荷花墜晚紅黑雲秋浦外翠羽溼烟中響亂跳珠雨香沈落珮風明當看新霽清曉捲簾櫳

衰翁扶病起獨倚曲闌東灼灼初承日搖搖尚顫風揉藍三十里照水一千叢不問連山雨通宵墮粉紅

攜持到嬌女相與供茶瓜浪定摘蓮子心涼聞藕花同依水檻立閒俯釣絲斜風雨連朝暗憐予小病加

無悔齋集卷十一

十一

迴船三日後打槳六橋西餘暑留蟬響殘陽在柳堤菱荷衣上雨芒屨躡邊泥帶得入城市香猶滿杖藜

立秋後三日西湖雨泛予小病不出月田顧丈寄詩
遂以口號補之

杭州西湖天下無

劉誠語

雨中烟景尤難摹看到米顛畫筆

溼想空坡老吟魂蘇定知風涼發飲興應覺船重爭驪呼
茶園先生有好句我病不出徒追述

復園池上紅板橋新成效白香山體分得八庚韻

池上紅橋忽復成水邊垂柳覺多情還拋拄杖當風立更倚闌干待月生花外衫痕分半影石邊屐齒有雙聲前年記得春波闊曾泛輕舸裏外行

秋雨集梁氏桐乳齋同用乳字限七古

秋風肅爽掃庭宇滿院秋聲落秋雨秋風秋雨動初涼忘
卻炎曦熱煩苦長筵會客歌白華蕙晦蘭階叩香祖翰墨
花生高館清雲霞氣入秋堂古主人酌酒因致辭前年老
屋臨江滸一樹梧桐蓋四鄰桐花桐葉垂門戶今來竹石
紛窗櫺欲補青桐自摩撫羣公猶憶舊松徑共賦蕭齋說
桐乳大言炎炎鳴朝陽小絃切切譜商羽上客揮杯喝斷
虹山僧留偈歸前浦明年合得扶杖來待看梧桐快重聚
秋情且付秋雨中醉飽徒慙腹如鼓

寄盤龍山人

相思渺何所悵望臨河干河流清漾漾從今到歲寒

無悔齋集卷十一

七

盤山視不極薊門往不復中有羲皇人長吟坐茅屋
拂衣去江湖隔別不得語惆悵天津橋迴舟下烟渚
前年附書至重見故人心故人不得見臨風理瑤琴

無悔齋集卷十二

錢唐周京少穆著

秋日平湖雲軒陸君招游南屏觀米海岳摩崖琴臺
二字分韻

秋日陰復晴清氣解雲駮招邀來南山山石走犖礪上有
磨崖碑琴臺削碧玉搜剔語古先瞻對緬高卓山容面面
青湖水層層綠風琴時清圓荒臺渺孤獨安得擘窠字震
盪此林谷空畱海嶽書漫漶不能讀徒令後來者懷古鄙
流俗我今夫何如沈吟一尊屬

中秋湖上晚歸見月

圓月照歸棹況逢湖上秋委金搖遠岫沈璧淡中流暮色
樓臺出烟光荻葦收年年當此夕容易坐船頭

復游紅橋

重過舊地竹西偏紅板平橋夕照閒憑檻頗能容我老倚
闌只合讓君閑鏡中春水復秋水眼底南山又北山昨日
青羶渾忘卻夜來可有月如環

琴臺仍用前韻石爲汪君約齋所開

荒臺橫古今琴響不得續猶畱石上學上署米海岳此石
久不見沈薶落坳曲我友約齋君制行秉卓犖用率諸郎
力拚搗鋤惡濁遂開南山亭俯仰雲霞足不虞泥沙中點
畫露朝旭卽是窮根柢更賴清溪濯兩字曰琴臺照耀燦
可燭緬思片石闢古有成連躅涼風動夕陽鳴禽去幽谷

湖水淡不流林聲靜無觸山空藥草長臺曠孤烟盡遙想
前古人于茲寫遐矚爲謝闢草萊蕭蕭兩竿竹往來南山
陲當秋薦叢菊

採菱詞

門前秋水照斜陽菱葉菱花鏡裏香莫謂采菱人不識吳
娘多半住橫塘

采菱人唱采菱歌水面聲輕蕩槳過不怕菱絲牽不斷瓜
皮船上少風波

九月十九日梁溪父宋繹劬顧月田金江聲吳架雪

汪抱樸杭董浦諸公復上吳山爲登高之會予不及

從分韻得江字

無悔齋集卷十二

二

閒居又復展重陽晴日登臨俯大江人到竹林原有七我
尋芒屨不成雙那逢高處舒青眼翻覺秋聲撼紙窗惆悵
無緣弄倒景獨來側執馭風幢

十月十一日月田先生六十七生日詩分得六魚

集

十研齋作

巖廊底事不闕渠老去翻成賦遂初五岳正應歸拄杖一
尊聊爲摘園蔬風流自賞真無敵詩句人傳有特書爭說
年年主壇坫不妨載酒到階除

仙曹歷錄集瓊琚吟唱新詞滿屋廬健筆未應分客主勝
情不惜到迂疎霜畱菊葉香初釀春入梅花暖甲蔬好語
卻宜翁自壽清尊月白獨相於

散花灘

山人有故居爲覓城北路迢遞湖山開蒼蒼此林樹東西
行馬塍幽花散秋圃外史句曲仙于茲得偏處茅山术可
食金堂幕堪賦夜誦蕊珠經朝乘十里霧荒鋤不死骨披
髮未化羽妙語畱白雲清翰隨風絮神仙何渺茫人世漫
閑住躑躅上河梁蕭條烟景暮相將薦芳菊朗吟樓上句

寄餘姚施大令藥齋

江國相逢夕明燈遲故人

時董浦竹田在座

異才加大令祖德說名

民

謂恩山先輩

洛下文章重宣城氣色新會應息老物移節及州

憶昔登三殿曾攜餅餤來同時各掉首今日忽重陪遠訪

無悔齋集卷十一

三

憐君獨浮名與世裁不才甘老病頭白臥蒿萊

冬日游寶奎寺

日落天宇靜冬初山氣肅木葉紛青黃簌簌幾修竹入門
陟崇岡萬類騁游目左開風帆移右送沙鳥宿閭井浩烟
海物產漲塵斛南來豐蟲魚北去冷沙漠尚有摩崖書喬
相舊章曲捨宅絕衆緣猶存主和牘蒼生殊可念世仇殆
難復視茲一片石莽蒼暮烟轟宋室己禾黍甲第亦轉燭
行在歸荒塗樓臺此佛屋時平歡會并相與招近局賦詩
留山門醉語不得續

三月六日顧月田招同人游包家山看桃花分得八

庚五歌

乙丑

紅樹迷川遠青山繞郭晴故宮芳草路行客冶游情谷鳥
烟中度春風竹外生桃源在人境幽寂有餘清

入林初地好白髮此經過嵐氣石泉冷江光竹樹多春衫
花片落梵響鳥聲和欲覓溪邊棹斜陽滿澗阿

賦落花和溪父梁丈韻

流水殘紅若與偕香泥沾得上芒鞋且拚心事隨花去要
咒東風仗酒諧山月已空烟草路城春如夢綠楊街韶華
過眼真無賴料理工夫稱老懷

十研齋送春曲

鬱金堂外搖春樹燕蹴鴉翻落如雨送春筵上酒痕消綠
起愁思萬千縷脆靄誰家扇底香龍簫鳳管坐歡塲畫樓

無悔齋集卷二

四

簾捲東風歇一半春情滿夕陽

四月四日南香草堂櫻筍之會限五古得夏字

相逢不羈人日復詠清暇恢台適奇懷高館接杯學櫻桃
垂畫檐紫筍迸泥罅燈燭曜鮮新風露浩領瀉主人羣玉
姿上客敦槃霸袞袞酒雄譚落落暢良夜未須欣朱明底
用樂長夏飄遙融風來的爍心星射停雲移屋角流螢照
庭榭會合殊難期急擊勿輕舍沈臂饒鼻臚趨走惜腰胯
許事一不知且自啖鵝炙典酣唱倒月獨起舞甘蔗

追懷汪約齋

約齋汪夫子卓哉官龍泉廣文飯不足猶自彈朱弦
鞞擬學子端居尊古賢死友吾所有幽夢常相牽

余遠道歸符所夢

北郭觀競渡分得微字

拂拂鳴鳩乳燕飛
午晴天氣綠蒲肥
百年節物情何已
一日風光事所稀
水驛渡頭聞社鼓
小航船上出龍旂
前籌奪得公無競
芳杜江蘼迹久微

碧山堂椽筆歌

爲睡菴汪丈作

高館懸筆長一丈
壯浪瑰奇咤雄莽
削成直幹猶如椽
縛出蓬頭大于盎
誰歟執者天都翁
昔曾教我揮斥功
肘肩腰足五分送
底用擊撇盤虛空
虛堂一日來清風
擗搯坐席空
當中奮袖舉筆胡旋舞
八窗戶牖開玲瓏
高墜石墨一斗攫
拏脫落荷戈走虹霓
意氣發興狂劍戟
差排好身手
俄呈大字儼屋寬
左右拱立驚桓桓
戎經烈所曾次具公乎殺賊精神完
碧山之堂留故物
我見猶能說髣髴
榴花如夢隔重簾
清影鬚髻映中拂
返轡戢戈四十年
猗奴收得兩擎拳
健能提起看全力
莫放龍身入大川

南香草堂雨中見游絲

風情歛餘春
清氣度微雨
空庭飛游絲
碧影見媚嫵
雜花半零落
小蝶倦翩舞
踈點猶入窗
濃陰已當戶
誰拋繡線長
裊盡閒愁縷
象牀金粟尺
纖手不堪取
莫霞亂殷紅
會作天衣補芳園
夕景佳漫落
遶庭樹

試龍井茶用東坡試院煎茶韻

茶人滿山茶始生
一旗一槍倉庚鳴
家山龍井出空谷
頭經上貢珍匪輕
穀雨之前誇第二
揀焙精猶用幽意
松風

竹雨僧厨煎輕烟細雨龍泓泉君不見陽羨茶山號西蜀
陽羨有東坡
祠號蜀岡百草開花讓青玉卽今窮山民苦飢包裹入市

長鬢眉名茶遠致未足數不論錢買瓶罍隨吾鄉鄉味有
如此茶者最好甌香一縷初颺鬢絲時

瓶花齋百八酒器歌

繡谷酒瓊稱絕奇敦學鼻甌卮牟區聚積磊落百八數蠹
飲一座翻紛披說者指點舊陶埴衆妙駢集歡相持我念
在昔繡谷君觥船吹動春風時讀史漫請下三斗借書不
用嗤兩瓚今年入夏招南皮郎君下筆驅文詞瓶花齋閣
啟筐篋明簾照耀青琉璃鸚鵡杯鸕鷀勺相遇相逢且斟
酌主人何必言少錢上客合傾無算爵有如一飲三百杯
此器還愁半無著會當三萬六千場醉臥風軒展腰腳

無悔齋集卷十二

六

蠶市用東坡和子由韻

吳蠶獻繭歷萬艱新絲二月空無還吳娘辛苦孰與比借
問柔者誰其閒未蠶先此爭上市小筐大箔歸來歡頭眠
二眠起昂首縛草未了愁登山繰絲不厭長且白細穀才
往追輕純蜀人在昔號蠶市村歌村舞傾城觀一生辛苦
一日澤誰咒甕蠶勞欺謾寸絲尺帛念來處棄置錦繡傷
華年

南香草堂詠點蒼山石硯屏用東坡月石硯屏韻

山氣涵喬雲天南麗繁星鍾石出文理妙畫開短屏知是
點蒼山下石中石磨成一片養我眇昏睛往往曲檠不照

席置之視北使我雙瞳明林巒指數山水窟畫師形似空
譏評影以凹凸露說共兒童爭未須杖履越戶限直覺工
壑侵窗櫺棐几卷軸靜相對幽谷風泉驚空庭草樹繁入
照春禽鳴翻怪天地只尺許深山大澤徒縱橫誰指洪河
潤九里已見小研如龍泓欲將方屏縮四海坐視轉側天
西傾

五月十七日梅雨初霽泛湖過芟公丈室分韻

輕舟盪明湖水滿漾佛屋芟公爾何人閒寂受諸福蒼蘆
花正開山桃果初熟泉香雨脚肥茶清土脈馥相將散餘
思新詩榜崑谷入門無雜營出門措病目四圍宿雨深一
碧林烟盞妙手憺若忘空明展畫軸我今入畫中迷悟兩
不復垂垂梅子黃酸甜自捫腹

無悔齋集卷十二

七

坐芟公竹間亭子

香臺過雨晝沉沉象外荒寒好竹林萬葉有風侵白髮幾
竿入畫重黃金明湖落影搖空碧蕭寺生涼轉夕陰多謝
山僧闢門限到來日日動長吟

銷夏六詠分得泉

限一七字句

泉雨後風前歸春甕放大川碎玉寒迸跳珠冷澗甘澤氣
通石清泠聲發絃危崑一泓脈脈空山終古潺潺追涼喜
掬月在手觸熱不煩人與傳

送葦浦竹田之越卽簡蘄齋大令

空庭雨後響松杉無限情思落枕函涼月已分前岸樹暮

潮遙送隔江帆
綠知小別虛吟席
卻喜輕風動客衫
寄語神明河上宰
好將詩骨鬥清巖

乙丑五月二十八日子與江聲醵尊集同人于湖上
訪白傅孤山竹閣用東坡詩中字分韻得然字

白傅風流孰爲傳
幾竿修竹尚蒼然
清虛我欲求良藥
幽獨誰猶指渭川
荒院陰沈寒簌簌
虛廊搖落月娟娟
可能會得蕭騷意
湖上青山儘自便

看竹相將泊酒船
海山重話舊因緣
常時有客眠秋雨
落日無人對晚烟
青影未消湖水上
新梢猶亂寺門前
城西一角蕭郎筆
終古長懷倍惘然

六月四日雨集并花齋賦盆中黃山小松用少陵四

松韻

無悔齋集卷十二

八

黃山山頂松多年十丈強
今來小益益鬱律三尺長
惟茲特異惜不教蟲蠹傷
泥沙絕點汚風雨謹護藏
寶供重簾隅小院時周防
不知天都峯曠浪紛青黃
幽深任峭彊長年樂壽康
誰復翻新根寒翠升中堂
遂令凍雨後蕭爽生清涼
移植雖小弱詎畏零雪霜
近學修鶴翎颯颯偃蓋張
風廊白月下疎影播微茫
清勁無妖枝歲寒幸勿忘
莫因出山久轉覺羞老蒼

題陳元倩先生傳後

有序

吾鄉陳先生元倩潛夫前明末癸未除開封司李請面
陳河南得失不報以至已失五郡先生持大義招集民

寨計復之時金陵議畫淮以守見露布奇其功擢御史
巡按河南旣馬阮當國以剛介齟齬忌其垂成之功卒
至亡國丙戌五月王師下桐廬乃走婦翁家隔江之
小藉村借妻妾兩孟氏同死化龍橋下

不竟從君死知緣爲國畱艱危惟力視果確與心謀御史
酬三命中原復五州銅槃招漚血仗得此吳鉤

舉世痛忘國回頭空一身蒼生揮手去白日不知晨有國
付流水無家問逐臣爲憐雙孟子愁絕暮江濱

七月晦月田以詩招游復園卽用來韻

閒園况復渚蓮生近局能邀稱意行黃篋舫播移晚市湘
紋簾捲對秋城幾株楊柳風中影一片菰蒲水上聲歡喜

無悔齋集卷十二

九

倒衣還命駕不妨林下狎齊盟

秋日南屏坐雨得東字

雨脚西馳雲脚東半空飛洒翠玲瓏雙峯陰起下塘溼合
澗泉來滿樹風丈室涼生蘋葉綠寺門香入藕花紅南屏
有客畱詩去望盡闌干畫遠公

早秋坐報國院池上得山字同樊榭竹田秀峰

僧院富林木到來身獨閑水心秋不著雲影淡無還蛩螿
荒塍外龜魚野渚閒城隅何限意落日滿遙山

登鳳凰山尋祖擇之介亭舊址不得

天風海濤互昏曉獨趁晴雲接飛鳥鳳皇山在城南隅有
亭見說凌虛杳涼颺颺萬松尖落日蕭蕭衆峯杪樓臺

歌管理無常官闕灰塵跡如掃況此荒亭草樹閒不辭易
朽生煩惱我願蠲除有底忙閑來閑往空前道秋山眼冷
魂欲驚一任興衰付清昊

哭顧月田二首

官罷難將晚計論一從浪捲與雲分不僅存皮骨且嘯詠頭
盡風流空酒尊萬事烟雲紛過眼三年花月獨招魂散身
事已無他計夜雨誰同哭寢門

吳地驛前今日夢晉陵城下往年船江山故國成陳迹風
雨連宵付逝川相對白頭湖上客同尋黃葉寺門烟可憐
絕筆秋陰句月黑猶聞唱墓田祭前三日猶賦
秋陰句絕佳

九日擬作湖山之游因雨不果

無悔齋集卷十二

十

欲向山南問菊花何妨烏帽任風斜街東小雨溼芒屨城
外秋陰冷酒家羃歷水痕應不減參差峯影未全遮老夫
興亦隨公等牆角尋詩手自叉

雨中坐南香草堂懷壽門

髯也久落託鄉心殊未諳雲烟空巷北風雨住淮南二老
已揮手謂筠谷月
田已下世羣公尚盍簪獨憐扳折柳淒惻在江潭

重九擬陶靖節九日閒居詩以露淒暄風息氣澈天

象明分韻得天字

晶晶川氣白歷歷雲物鮮俯仰但夷曠萬象脂潔蠲人生
苦繁鬱肅爽肌膚堅節候有餘清對此秋牀眠羣動忽復
異賓鴻翔遠天霜露旣沾濡日月遞推遷良朋同好懷高

館羅長筵夕陽照曲闌
遠風吹鳴絃庭柯葉尚綠
籬菊寒逾媚觸景悅心目
聊用忘衰年佳辰懽九日
續賦閒居篇析理妙觀化
遐哉詠前賢

十月五日湖上

到眼湖南十月山春秋
歷盡改蒼顏憑誰寄語
焚開士雪

後來看莫掩關

焚虛師往江南未歸

欲卷蒼烟入筆端
淋漓衫袖竹光寒
厲家詩句清如水
雷

看薑芽小墨丸

諸公欲余書是日皆驚焚樹作

晚秋集湖上雪莊

水上樓臺望欲無
一簾秋柳隔重湖
幽人只合移家住
次

第安排入畫圖

無悔齋集卷十二

十一

葛翁嶺下舊仙莊
數筆湖山暎曲廊
怪底晚寒侵白髮
臥牀前是水雲鄉

立冬前二日瓶花齋剪橙小集得秋字

十月盼庭樹蕭然
接素秋新橙垂屋角
并剪落無頭清出盤
餐外香從齒頰留
酸寒有真味莫作兩眉愁

題茨虛上人溪山秋晚圖

何處此林亭
迺在秋壑裏
秋氣入深林
脫落見秋水
遠公夫何如
閒心獨徙倚
空山本無人
問法雲林子

題蘆溪書隱圖

我羨菰蒲一片秋
漸寒沙上理扁舟
從君臨水柴門裏
照著攤書月半鉤

草堂中有讀書人門外溪光冷釣綸曾在新安江上見蘆
花如雪水如銀

雪後同壽門蒞林訪禿上人于湖上

凍合平湖未放船峭風吹上沈寥天人從水墨屏中過山
向荒寒畫裏傳空處尚青沙岸柳到來初白寺門烟老僧
出定都無著雪屋冰檐正穩眠

兩水澗橋晚望

殘雪猶在地池臺落照通高城畫角晚遠柯亂水風野水
天不盡連山寒若空我來正無伴少艇過橋東



